



Broj: JN05-16-4-58-4/19  
Sarajevo, ~~11.04~~2019.godine

Na temelju članka 25., članka 69. stavak (1) tačka a) i članka 70. Zakona o javnim nabavama („Službeni glasnik BiH“ broj: 39/14), ministar pravde Bosne i Hercegovine, donosi

## **ODLUKU** **o dodjeli ugovora u postupku javne nabave**

### **I**

Dodjeljuju se ugovor ponuđaču TRAVEL PLAN d.o.o. Banja Luka, Kralja Petra I Karađorđevića 109, 78 000 Banja Luka, u postupku javne nabave usluga rezervacije i prodaje avionskih karata.

### **II**

Ponuđač iz tačke I ove odluke dostavio je najnižu cijenu u skladu sa člankom 64. stavak (1) tačka b) Zakona o javnim nabavama Bosne i Hercegovine.

### **Obrazloženje**

Ministarstvo pravde Bosne i Hercegovine je Odlukom broj: JN05-16-4-58/19 od 23.04.2019.godine, pokrenulo otvoreni postupak nabave usluga rezervacije i prodaje avionskih karata. U ostavljenom krajnjem roku za dostavljanje ponuda pristigle su ponude od sljedećih ponuđača:

1. FORTUNA TRADE TOURS d.o.o. Mostar, Rade Bitange 34, 88 000 Mostar;
2. TRAVEL PLAN d.o.o. Banja Luka, Kralja Petra I Karađorđevića 109, 78 000 Banja Luka;
3. EUROLINE TRAVEL d.o.o. Banja Luka, Kralja Petra I Karađorđevića 97, 78 000 Banja Luka;
4. GOBOOK d.o.o. Visoko, Alaudin 10, 71 300 Visoko;
5. CENTROTRANS-EUROLINES d.d. Sarajevo, Kurta Schorka broj 14, 71000 Sarajevo.

Nakon analize i procjene dokumentacije priložene uz dostavljene ponude, Povjerenstvo za javne nabave Ministarstva pravde BiH (u daljem tekstu: Povjerenstvo) je utvrdilo da dostavljene ponude ponuđača FORTUNA TRADE TOURS d.o.o. Mostar, TRAVEL PLAN d.o.o. Banja Luka, EUROLINE TRAVEL d.o.o. Banja Luka i GOBOOK d.o.o. Visoko ispunjavaju sve formalno-pravne i tehničke uvjete navedene u tenderskoj dokumentaciji te da se stoga smatraju prihvatljivim ponudama, dok ponuda ponuđača CENTROTRANS-EUROLINES d.d. Sarajevo ne ispunjava formalno-pravne i tehničke uvjete navedene u tenderskoj dokumentaciji pa se, kao takva, smatra neprihvatljivom ponudom.

Naime, Povjerenstvo je konstatovalo da ponuda ponuđača CENTROTRANS-EUROLINES d.d. Sarajevo ne sadrži potpis direktora nego lica koje je za potpisivanje iste ovlašteno temeljem akta direktora, a ne temeljem pravovaljane punomoći. Naime, člankom 58. stavak (1) tačka g) Zakona o javnim nabavama propisano je da ponuda obvezno sadrži potpis podnositelja ponude ili ovlaštene osobe na temelju punomoći koja u tom slučaju mora biti priložena u originalu ili ovjerenj kopiji. Isto je propisano i tačkom 4.3 c) tenderske

dokumentacije, gdje je precizirano da je pravovaljana punomoć ona punomoć *koja je ovjerena kod nadležnog tijela*. Ponudu ponuđača CENTROTRANS-EUROLINES d.d. Sarajevo, odnosno dokumentaciju priloženu uz istu, potpisao je Mevludin Čengić. Uz ponudu je priložen akt koji nosi naziv „Punomoć“, a kojim generalni direktor Safudin Čengić opunomoćuje Mevludina Čengića da može učestvovati u svim postupcima javnih nabava, te da može u korist Društva potpisivati izjave o ispunjenosti uvjeta iz čl. 45. do 52. Zakona o javnim nabavama, da može potpisivati ponude, kao i drugu dokumentaciju vezanu za tendere i javne nabave u skladu sa Zakonom o javnim nabavama. Navedeni akt („Punomoć“, broj: 1/00264/19 od 23.04.2019.godine) nije ovjeren kod nadležnog tijela te ne predstavlja pravovaljanu punomoć u smislu odredbi Zakona o javnim nabavama i tačke 4.3 c) tenderske dokumentacije.

Slijedom navedenog, a budući da je člankom 68. stavak (4) tačka i) Zakona o javnim nabavama propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo je konstatovalo da se ponuda ponuđača CENTROTRANS-EUROLINES d.d. Sarajevo odbacuje.

Nakon što je Povjerenstvo izvršila uvid u preostale prihvatljive ponude utvrđeno je da su cijene ponuda ponuđača FORTUNA TRADE TOURS d.o.o. Mostar, TRAVEL PLAN d.o.o. Banja Luka i EUROLINE TRAVEL d.o.o. Banja Luka, a shodno slučajevima nabrojanim tačkom 5.4 tenderske dokumentacije, neprirodno niske te je Povjerenstvo, aktom broj: 18.6-16-4-4920-1/19 od 03.06.2019.godine, od spomenutih ponuđača zatražila pismeno obrazloženje ponuđenih cijena.

Navedeni ponuđači su blagovremeno dostavili traženo obrazloženje, i to: ponuđač FORTUNA TRADE TOURS d.o.o. Mostar dana 11.06.2019.godine, ponuđač TRAVEL PLAN d.o.o. Banja Luka dana 12.06.2019.godine i ponuđač EUROLINE TRAVEL d.o.o. Banja Luka dana 13.06.2019.godine.

Povjerenstvo se sastala ponovo dana 14.06.2019.godine kako bi Obrazloženja ponuđača FORTUNA TRADE TOURS d.o.o. Mostar, TRAVEL PLAN d.o.o. Banja Luka i EUROLINE TRAVEL d.o.o. Banja Luka uzela u razmatranje. Nakon razmatranja razloga ponuđenih cijena Povjerenstvo je konstatovalo da su isti opravdani.

Shodno članku 17. stavak (9) Uputstva za pripremu modela tenderske dokumentacije i ponuda („Službeni glasnik BiH“ broj: 90/14) Obrazloženja ponuđača FORTUNA TRADE TOURS d.o.o. Mostar, TRAVEL PLAN d.o.o. Banja Luka i EUROLINE TRAVEL d.o.o. Banja Luka sastavni su dio ovog Zapisnika.

Povjerenstvo je dalje konstatovalo da je tačkom 1.4 tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uvjetima i načinu korištenja e-aukcije („Službeni glasnik BiH“ broj: 66/16). Člankom 3. stavak (1) Pravilnika o uvjetima i načinu korištenja e-aukcije propisano je da prije zakazivanja e-aukcije ugovorno tijelo u sistem e-nabave unosi sve prihvatljive ponude.

Slijedom navedenog, Povjerenstvo je jednoglasno dalo preporuku ministru pravde BiH u skladu sa Zapisnikom o ocjeni ponuda broj: 18.6-16-4-4920-2/19 od 14.06.2019.godine, da se u postupku po predmetu nabave usluga rezervacije i prodaje avionskih karata za potrebe Ministarstva pravde BiH, zakaže e-aukcija na način predviđen odredbama Pravilnika o uvjetima i načinu korištenja e-aukcije, a da se prije zakazivanja iste u sistem e-Nabave unesu ponude ponuđača FORTUNA TRADE TOURS d.o.o. Mostar, TRAVEL PLAN d.o.o. Banja Luka, EUROLINE TRAVEL d.o.o. Banja Luka i GOBOOK d.o.o. Visoko, kao prihvatljive ponude.

Povjerenstvo je tako u sistem e-nabave unijelo prihvatljive ponude ponuđača, rangirane na temelju kriterija najniže cijene i uz primjenu preferencijalnog tretmana domaćeg:

1. TRAVEL PLAN d.o.o. Banja Luka, Kralja Petra I Karađorđevića 109, 78 000 Banja Luka,
  2. EUROLINE TRAVEL d.o.o. Banja Luka, Kralja Petra I Karađorđevića 97, 78 000 Banja Luka,
  3. FORTUNA TOURS d.o.o. Mostar, Rade Bitange 34, 88 000 Mostar i
  4. GOBOOK d.o.o. Visoko, Alaudin 10, 71 300 Visoko,
- te zakazalo e-aukciju za dan 28.6.2019.godine (petak), sa početkom u 11:00 sati.

Povjerenstvo također ističe, da je u sistam e-nabave unijelo cijene svih gore navedenih ponuda sa preferencijalnim tretmanom domaćeg, jer su navedeni ponuđači u svojim ponudama istaknuli da se na njihove ponude primjenjuju odredbe o preferencijalnom tretmanu domaćeg, a u skladu sa tačkom 5.6 tenderske dokumentacije i Odlukom o obveznoj primjeni preferencijalnog tretmana domaćeg („Službeni glasnik BiH“ broj: 83/16).

Nakon što je e-aukcija završena, a na temelju podataka iz Izvješća o tijeku i završetku e-aukcije, koji čini sastavni dio ovog zapisnika, Povjerenstvo je pristupilo rangiranju prihvatljivih ponuda shodno Zapisniku broj: 18.6-16-4-4920-3/19 od 01.07.2019.godine.

Člankom 9. stavak (2) Pravilnika o uvjetima i načinu korištenja e-aukcije propisano je da ugovorno tijelo po završetku e-aukcije, u skladu sa člankom 69. Zakona o javnim nabavama („Službeni glasnik BiH“ broj: 39/14), donosi odluku o prestanku postupka javne nabave i obavještava ponuđače u skladu sa člankom 71. navedenog zakona.

Člankom 69. Zakona o javnim nabavama (Prestanak postupka javne nabave) propisano je da se postupak javne nabave može okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

Slijedom gore navedenog, a na temelju ocjena ponuda i rezultata provedene e-aukcije, Povjerenstvo je jednoglasno dalo preporuku ministru pravde BiH, da se u predmetu nabave usluga rezervacije i prodaje avionskih karata za potrebe Ministarstva pravde Bosne i Hercegovine, donese odluka o dodjeli ugovora ponuđaču TRAVEL PLAN d.o.o. Banja Luka, Kralja Petra I Karađorđevića 109, 78 000 Banja Luka, sa konačnom cijenom od 0,01 KM bez PDV (slovima: jedan fening).

Povjerenstvo napominje da ponuđač TRAVEL PLAN d.o.o. Banja Luka, u svojoj ponudi, nije dostavio dokumente tražene tačkom 3.1.2. tenderske dokumentacije, a kojima dokazuje da se na njega ne odnose slučajevi definirani tačkom 3.1. od a) do d) tenderske dokumentacije.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 10 (deset) dana od dana kada je primio Odluku, odnosno Obavještenje o rezultatima.

Prilog:

- Zapisnici o ocjeni ponuda.

Dostaviti:

- Ponuđačima u postupku javne nabave,

- a/a.



